

Kantonalna javna ustanova "Porodično savjetovalište", sa sjedištem u Sarajevu, ul. Avdage Šahinagića broj 14/2, koju zastupa direktor Senad Alić, prof. (u daljem tekstu: **Naručilac usluga**) i

Asocijacija sistemskih terapeuta, sa sjedištem u Beogradu, ul. Kralja Milana br.4, PIB: 104126098, koju zastupa predsjednica prof. dr. Nevena Čalovska Hercog (u daljem tekstu: **Davalac usluga**)

zaključili su, u Sarajevu, dana 26.02.2018. godine

UGOVOR O PRUŽANJU USLUGA SUPERVIZIJE

Član 1.

Predmet ovog ugovora je realizacija supervizije, kao oblika profesionalne podrške i pomoći za stručne zaposlenike koji obavljaju savjetodavno-terapeutski rad kod Naručioca usluga, sa ciljem jačanja profesionalne kompetentnosti i prevencije profesionalnog sagorijevanja zaposlenika, te poticanja timske saradnje što doprinosi podizanju kvalitete savjetodavno-terapeutskih usluga.

Član 2.

Ugovorne strane su se sporazumjele da će Davalac usluga za Naručioca pružiti usluge grupe supervizije za stručne zaposlenike u Odjeljenju za savjetodavno-terapeutski rad kod Naručioca usluga.

Član 3.

Davalac usluga se obavezuje da će realizirati superviziju iz člana 1. Ugovora neposrednim angažovanjem prof. Dr. Nevene Čalovske Hercog, Savete Draganić Gajić, Radmile Vulić Bojović, Desanke Nagulić, Miroslava Maksimovića, Snježane Mijalković i Jelene Miličević kroz četiri supervizijska sastanka za zaposlenike Naručioca, i to u mjesecu februaru, aprilu, oktobru i novembru 2018.godine.

Ugovorne strane su saglasne da će se prvi supervizijski sastanak održati dana 26.02.2018.godine sa početkom u 09:45h, te da će se naknadno dogovoriti tačan termin održavanja preostalih supervizijskih sastanka.

Član 4.

Supervizijski sastanak/blok iz člana 3. Ugovora podrazumijeva supervizijsku sesiju u kontinuiranom trajanju od tri sata.

Član 5.

Usluge iz člana 1. Ugovora Davalac usluga će realizirati u poslovnim prostorijama, u mjestu sjedišta, Naručioca usluga, a u terminu koji međusobno zajednički dogovore.

Član 6.

Davalac usluga se obavezuje da o svakoj promjeni termina obavijesti ovlaštenu kontakt osobu ispred Naručioca usluga, a najkasnije 48 sati prije održavanja planirane supervizije.

Član 7.

Naručilac usluga će obezbijediti Davaocu materijal neophodan za realizaciju/pružanje usluga iz člana 1. Ugovora.

Član 8.

Naručilac usluga se obavezuje da će Davaocu, za pružene usluge grupne supervizije, isplatiti novčanu naknadu u iznosu od 175,00 Eura po jednom supervizijskom bloku.

Naručilac usluga će isplatiti Davaocu novčanu naknadu iz prethodnog stava člana 8. Ugovora u roku od 30 dana od dana završetka supervizijskog susreta.

Član 9.

Nakon završenog svakog supervizijskog susreta Izvršilac posla će dostaviti Naručiocu Izvještaj o obavljenoj superviziji.

Član 10.

Svaka od ugovornih strana zadržava pravo jednostranog raskida ugovora uz obavezu da drugu stranu pisanim putem obavijesti o raskidu ugovora, uz otkazni rok od 15 dana računajući od dana prijema obavijesti o raskidu ugovora.

Član 11.


U slučaju spora po ovom ugovoru nadležan je sud u Sarajevu.


Član 12.

Ovaj ugovor se zaključuje sa periodom važenja do 31.12.2018. godine.

Član 13.

Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.


DAVALAC USLUGA
ASOCIJACIJA SISTEMSKIH TERAPEUTA
Predsjednica Prof. Nevena Čalovska Hercog, dr sci med


NARUČILAC USLUGA
KJU "Porodično savjetovište"
direktor Senad Alić, prof.

Broj: 01-35-R-137 /18
Sarajevo, 26.02.2018